



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-278-5/23**
Datum: **04.10.2023. godine**

«Agencija za vodno područje rijeke Save» rješavajući po zahtjevu Javnog komunalnog preduzeća «Vodostan» d.o.o. Ilijaš za izdavanje vodne dozvole za privremeno ispuštanje komunalnih otpadnih voda sa područja općine Ilijaš u otvorene vodotoke: rijeke Bosnu, Stavnju i Misoču te potok Gnionicu, na osnovu člana 109. stav 1. tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola Javnom komunalnom preduzeću «Vodostan» d.o.o. Ilijaš za privremeno ispuštanje komunalnih otpadnih voda sa područja općine Ilijaš putem javnog kanalizacionog sistema u otvorene vodotoke i to:
 - u rijeku Bosnu na trinaest lokaliteta
 - u rijeku Stavnju na tri lokaliteta
 - u rijeku Misoču na tri lokaliteta
 - u potok Gnionicu na dva lokaliteta
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se objekti koji čine javni kanalizacioni sistem općine Ilijaš održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda, te da se prilikom izgradnje nove kanalizacione mreže projektuje i izvodi isključivo separadni sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrirati i što hitnije poduzeti aktivnost da se isti priključe na postojeće glavne kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje korita rijeka na mjestima ispusta komunalnih otpadnih voda iz glavnih kolektora.
 - 2.6. Ispusno mjesto označeno brojem 6. u tabeli evidentirano kao Grad (Ø1000 mm) potrebno je završiti i osigurati u saradnji sa izvođačem radova na zaštitnim objektima i predstavnicima Općine kako bi se onemogućilo oštećenje nasipa i zaštitnih objekata izvedenih na ovoj dionici.
 - 2.7. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 2.8. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), članovima od 5. i 12. Uredbe o uslovima ispuštanja otpadnih voda u okoliš i sisteme javne kanalizacije.

- 2.9. Da se u periodu važenja ove dozvole izradi Operativni plan interventnih mjera u slučaju incidentnih zagađenja a sve u skladu sa članom 11. stav (3) i članom 12. Pravilnika o postupcima i mjerama u slučajevima akcidenata na vodama i obalnom vodnom zemljištu («Službene novine Federacije BiH» broj 71/09 i 102/18).
- 2.10. Da se tokom važenja ovog Rješenja vrši monitoring otpadnih voda na ispustu glavnog kolektora (ispusti 4. i 6. iz obrazloženja rješenja) ili u zadnjem revizionom oknu neposredno prije ispusta definisanog kao privremeni ispušt, u tački 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
- 2.11. Da za vrijeme važenja ovog rješenja nadležni Općinski organ na inicijativu operatera kanizacionog sistema donese odluku o odvodnji otpadnih voda u svemu prema odredbama člana 54. Zakona o vodama.
- 2.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 15/17 i 41/20)
3. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa članom 170. Zakonom o vodama („Službene novine Federacije BiH“, broj 70/06) i članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), uz redovno dostavljanje obrasca IV – Mjesečni izvještaj o količini isporučene vode i obračunu EBS te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
8. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Javno komunalno preduzeće «Vodostan» d.o.o. Ilijaš, obratilo se ovoj Agenciji dana 07.07.2023. godine, sa zahtjevom za izdavanje vodne dozvole za privremeno ispuštanje komunalnih otpadnih voda koje se prikupljaju putem javnog kanizacionog sistema općine Ilijaš, u otvorene vodotoke: rijeke Bosnu, Stavnju i Misoču te potok Gnionicu.

U provedenom postupku dostavljena je i pregledana sljedeća dokumentacija:

- a) Aktuelni izvod iz sudskog registra br. 065-0-RegZ-23-005455 od 30.05.2023., izdatog od strane Općinskog suda u Sarajevu, ovjerena kopija,

- b) Uvjerenja o poreskoj registraciji od 13.06.2006.godine, izdatog od strane Porezne uprave – Kantonalni ured Zenica, ovjerena kopija,
- c) Obavještenje o razvrstavanju pravnog lica prema djelatnosti br. 04-32.5-1-4200171710000/04 od 13.06.2006., ovjerena kopija,
- d) Uvjerenja o registraciji obveznika poreza na dodatnu vrijednost, broj: 04/1-17-3298-53/06 od 28.06.2006. godine, izdatog od strane Uprave za indirektno-neizravno oporezivanje Banja Luka, ovjerena kopija,
- e) Kopija Odluke o prenosu novoizgrađene kanalizacione mreže na upravljanje i održavanje, Službene novine Kantona Sarajevo 07/10,
- f) Kopije odobrenja za građenje donesenih od strane Općinskog načelnika broj: 05/1-23-1140/09 od 08.06.2009.godine, 05/1-23-2631/15 od 01.12.2015.godine, 05/1-23-915/15 od 14.06.2016.godine, 05/1-23-1036/09 od 26.08.2009.godine, 05/1-23-2546/11 od 13.12.2012. godine, 05/1-23-1041/09 od 08.06.2009.godine, 05/1-23-3558/14 od 15.12.2014.godine, 05/1-23-154/13 od 23.12.2013.godine i 03-23-3393/04-1 od 12.05.2009.godine,
- g) Kopije odobrenja za upotrebu donesenih od strane Općinskog načelnika putem Službe za prostorno uređenje i stambenokomunalne poslove Općine Ilijaš, broj: 05/1-23-3263/16 od 08.02.2017.godine, 05/1-23-1765/15 od 26.11.2015.godine, 05/1-23-831/15 od 19.05.2015. godine, 05/1-23-2842/09 od 27.01.2010.godine, 05/1-23-2843/09 od 27.01.2010.godine, 05/1-23-3260/16 od 08.02.2017.godine, 05/1-23-2844/09 od 27.01.2010.godine i 05/1-23-2845/09 od 27.01.2010.godine,
- h) Urbanistička saglasnost za polaganje kanalizacione mreže br: 05/1-23-883/19 od 31.07.2019.,
- i) Kopije Skica snimanja fekalne kanalizacione mreže, Općina Ilijaš, Katastar komunalnih uređaja,
- j) Kopije katastarskih planova, izdatih 12.06.2018.godine od strane nadležne službe općine Ilijaš: K.O. Podgora I –broj plana 2, K.O. Podgora I –broj plana 13, K.O. Podgora I –broj plana 12, K.O. Podgora I –broj plana 7, K.O. Vogošća –broj plana 2, K.O. Ilijaš Grad –broj plana 8, K.O. Ilijaš Grad –broj plana 3, K.O. Ilijaš Grad –broj plana 21, K.O. Ilijaš Grad –broj plana 11, K.O. Elešehovići – broj plana 4, K.O. Kadarići – broj plana 9, K.O. Podgora II –broj plana 17, K.O. Ljubibici –broj plana 1 i K.O. Bioča – broj plana 3.,
- k) Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo aktivnosti u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak ispusta otpadnih voda i tom prilikom sačinjen zapisnik o uviđaju broj: UP-1/21-3-40-278-4/23 od 27.09.2023. godine.

Na osnovu dostavljene dokumentacije i uviđaja izvršenog na licu mjesta utvrđeno je sljedeće:

Na kanalizacioni sistem općine Ilijaš kojim upravlja JKP «Vodostan» d.o.o. Ilijaš priključeno je 5.705 domaćinstava i 746 privrednih subjekata. Kanalizacioni sistem je uglavnom mješovitog tipa. Separatni sistem kanalizacije izgrađen je u industrijskoj zoni «Luka» te ulicama Hašima Spahića, dio 126. Ilijaške brigade i najveći dio ulice Bosanski put.

U zavishosti od razvoja izgradnje i proširenja prostora odvodnje i raspoloživih finansijskih sredstava vrši se izgradnja i proširenje sistema.

Ispuštanje otpadnih voda vrši se preko glavnih kolektora za pojedina naselja u otvorene vodotoke: Bosnu, Stavnju, Misoču i Gnionicu na devetnaest lokaliteta i to:

RB	Ispust	Vodotok	Lokacija ispusta (najbliža k.č.)
1	Lješevo – pružni prelaz kod OŠ Lješevo (bet. cijev Φ 300)	Bosna	k.č. 204 K.O. Elešehovići
2	Lješevo – naspram željezničke stanice (bet. cijev Φ 300)	Bosna	k.č. 1012/3 K.O. Elešehovići
3	Ljubnići – prije propusta za jezero Staraču ispod autoputa (bet. cijev Φ 300)	Bosna	k.č. 2 K.O. Ljubnići

4	Podlugovi (bet. Φ 1000)	Bosna	k.č. 2600/2 K.O. Podgora I
5	Podlugovi (bet. Φ 800)	Bosna	k.č. 2638 K.O. Podgora I
6	Grad (bet. Φ 1000)	Bosna	k.č. 198 K.O. Ilijaš Grad
7	Stari Ilijaš, Spahin, Kalea - ispod mosta na autoputu (Standard) (bet. Φ 500)	Bosna	k.č. 1882 K.O. Ilijaš Grad
8	G. Luka kod mosta Bioča (PVC Φ 250)	Bosna	k.č. 1381 K.O. Bioča
9	Kadarići (PVC Φ 300)	Bosna	k.č. 676/7 K.O. Kadarići
10	Malešići nizvodno od mlina	Bosna	k.č. 209/1 K.O. Vogošća
11	Malešići kod Malešićkog mosta	Bosna	k.č. 154/1 K.O. Vogošća
12	Karaula - naspram ispusta 10 (PVC Φ 250)	Bosna	k.č. 2169 K.O. Podgora II
13	Sovrle - u krugu INE (PVC Φ 500)	Stavnja	k.č. 758/1 K.O. Podgora I
14	Makljen - u krugu pilane Barsa (Φ 250)	Stavnja	k.č. 2466 K.O. Podgora I
15	Kod benzinske stanice EDEKO (Φ 250)	Stavnja	k.č. 2475 K.O. Podgora I
16	Naselja: Misoča, Mlini, Kamenica, Vlaško i Hadžići - d. Obala (Φ 500)	Misoča	k.č. 1909/1 K.O. Ilijaš Grad
17	Lijeva obala (Fekalna Φ 200 Oborinska Φ 500)	Misoča	k.č. 1917 K.O. Ilijaš Grad
18	Industrijska zona Luka ispod mlina (Genjac) (Fekalna Φ 800 i Oborinska Φ 800)	Misoča	k.č. 828 K.O. Ilijaš Grad
19	Naselja: Popovići, Salkanov han i Mrakovo (PVC Φ 300)	Gnionica	k.č. 52/2 K.O. Podgora I
20	Naselja Banovac, Novo naselje, Savića brdo, i dio Mrakova (Fekalna i Φ 500 i Oborinska Φ 700)	Gnionica	k.č. 1927/1 K.O. Ilijaš Grad
21	Malešići do malešićkog mosta, (Fekalna Φ 400 i Oborinska Φ 700)	Bosna	k.č. 2477 K.O. Podgora II

Subjekti koji nisu priključeni na javni kanalizacioni sistem uglavnom imaju izgrađene septičke jame.

Podaci o lokacijama ispusta i naseljima koja su priključena na pojedine ispuste dobivena su od podnosioca zahtjeva i isti su uneseni u GIS bazu podataka koja se aktivno dorađuje i ažuriraju podaci o kanalizacionom sistemu.

Pristup nekim od mjesta ispuštanja ja bio u trenutku vršenja uviđaja onemogućen zbog ograđenih privatnih parcela i bujne higrofilne vegetacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnih objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-278-3/23 od 20.09.2023.godine.

Na osnovu provedenog postupka konstatuje se da je podnosilac zahtjeva, JKP «Vodostan» d.o.o. Ilijaš ispunio minimum uslova za dobivanje vodne dozvole za privremeno ispuštanje urbanih otpadnih voda koje se prikupljaju putem javnog kanalizacionog sistema u otvorene vodotoke: rijeke Bosnu, Stavnju i Misoči te potok Gnionicu, kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata, te je riješeno kao u dispozitivu ovog rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se podnosi ovom organu neposredno pismeno ili preporučeno putem pošte i taksira se sa 15 KM takse, prema tarifnom broju 3. Tarife federalnih administrativnih taksi.

Obradivači akta:

Sanja Miličić, građ. ing.

Haris Ališehović, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- JKP «VODOSTAN» d.o.o. Ilijaš
126.Ilijaške brigade br.60, 71380 Ilijaš
- AVP Sava, ISV – Vodna knjiga
- Sektor 50
- Ⓞ Sektor 40 - arhiva
- Oglasna ploča - AVP Sava